


Prome Minister Mike Eman y diferente boluntario na Pastorie Pro Cathedral San Fransisco na Playa




ORANJESTAD (AAN) Misa di Playa San Fransisco di Asis mas cu 200 aña, awor conoci como Pro Cathedral San Fransisco masha bunita, tambe a haya su debido atencion. E biaha aki ta na e Pastorie y e Hofi di Pro Cathedral. Boluntarionan di Bo Bario, Oficina di Mantencion di Gobierno y algun parokia balente a yuda pa realisa esaki. Mas cu claro encabesa pa nos Prome Minister Mike Eman, cu semper ta cla pa duna un man na su prohimo, Prome Minister a pasa man pa basora, a bari, piki foyo y corta mata den e hofi. Despues

a inicia cu e preparacion pa haci e mantencion necesario di scrape y pleister, cual mester a tuma su debido tempo pa haci e trabounan necesario bon, prome cu yega na verf Pastorie cu ta di 2 piso pa cual tambe mester a haci uzo di makinaria special.

Pastoor Stanislau a reconoce e deportista profesional di Bo Bario cu a bin pa duna un man, y a agrega cu beisbol tabata su deporte favorito y si no ta pa su vocacion pa bira pastoor, kizas awe e lo ta un pelotero profesional. Despues Pastoor a bay pa saluda e grupo di trahando den Hofi, e no por a

kere y a keda masha sorprendi ora cu e la encontra Prome Minister Mike Eman mes, cu sker den man, cortando mata den su Hofi, hunto cu demas boluntarionan. *Y a reacciona* "Ay, mi no tabata sa cu Prome Minister tambe a bin pa traha!". Trabou di boluntario ta e testimonio bibo di e Ternura di Cristo, nos Salvador y gosa di su presencia, cu ta e Speransa pa un bida bunita. Prome Minister y boluntarionan presente a haya e bunita oracion di nos Papa Franscisco patrono di nos Pro Cathedral cu e bunita mensahenan e.o Pa laga nos cuminsa comprende cu nada ta imposibel di resolve mientras cu nos sigui lucha y cu Dios ta cu nos, awor y semper.

Pastoor a comenta di e ladroncia den misa y tambe di e desordo cu sa tin dilanti di misa, di cual e parokianonan ta haci un suplica na esunnan concerni pa corda cu solaridad ta un patrimonio di nos tur, principalmente e acercamento y cooperacion di tur instancianan concerni, pa nos generacion futuro por continua cu e bunitesa na beneficio di un y tur cu mas respet pa cas di Dios.



E Hofi y Pastorie di Pro Cathedral a keda hopi bunita y Pastoor Stanislau ta masha agradecido na Prome Minister Mike Eman y na tur e boluntarionan pa e ayudo ricibi. Mirando ture acontecimentonan

di Proyecto Postzegel Rancho, ta spera cu pronto nan lo ta den cercania di Pro Cathedral San Fransisco y logra pa realisa e Plaza Juan Pablo II, como e parti di e bunitesa y religioso di e Proyecto Postzegel Rancho